

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 2317409459, 2317409472, 2317409476, 2317409511 որոշումները բեկանելու և վարչական իրավախախտումների վերաբերյալ գործերի վարույթները կարճելու մասին

<< 01 >> 12 2023թ. 7-13 12158

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Վազիֆ Սաֆարյանի ՄԴ/97500-23 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Վազիֆ Սաֆարյանը (ծանուցման հասցե՝ ք.Երևան, Աջափնյակ վարչական շրջան, Նորաշեն թաղամաս, 5 շենք, 71 բանակարան) դիմումով խնդրել է բեկանել Ճանապարհային ոստիկանության վարչական տույժ նշանակելու մասին թիվ 2317409459, 2317409472, 2317409476, 2317409511 որոշումները՝ նշելով, որ մարդ է տեղափոխել հիվանդանոց:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Վազիֆ Սաֆարյանը ճանաչվել է որպես իրավախախտում կատարած անձ, ուստի նրա կողմից ներկայացված դիմումը ենթակա է քննության:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման հետևյալ պատճառաբանությամբ.

Դիմումում նշված հանգամանքների շուրջ պարզաբանումներ տալու նպատակով 29.11.2023թ. Վ. Սաֆարյանը հրավիրվել է Ճանապարհային ոստիկանության վարչական բողոքների քննության բաժին, որտեղ տրված գրավոր բացատրությամբ պնդել է, որ 30.10.2023թ. ժամը 12:35-ից 13:35-ի սահմաններում <<NISSAN >> մակնիշի 11SV116 հաշվառման համարանիշի ավտոմոբիլով իր ընկերոջը՝ Արկադի Սավադյանին տեխափոխել է <<Շենգավիթ >> բժշկական կենտրոն ՓԲԸ:

Արկադի Սավադյանը 29.11.2023թ. նույնպես հրավիրվել է Ճանապարհային ոստիկանության վարչական բողոքների քննության բաժին, որտեղ տրված գրավոր բացատրությամբ պնդել է, որ 30.10.2023թ. ժամը 12:35-ից 13:35-ի սահմաններում Վ. Սաֆարյանը իրեն տեղափոխել է հիվանդանոց:

<<Շենգավիթ >> բժշկական կենտրոն ՓԲԸ-ի կողմից 30.10.2023թ. տրված ուլտրաձայնային հետազոտության պատասխանի, ինչպես նաև նշված բժշկական կենտրոն արված հարցմանն ի պատասխան գրությամբ

հայտնվել է, որ Արկադի Սավադյանը <<Շենգավիթ >> բժշկական կենտրոն ՓԲԸ է դիմել 30.10.2023թ. ժամը 13:35-ին գանգատվելով աջ գոտկային շրջանի սուր ցավերից, որոնք ճառագայթում են դեպի աջ աճուկային շրջան, կատարվել է միզուղիների ՈւԶՀ, հայտնաբերվել է աջ միզածորանի ս/3-ի քար, ինչպես նաև օբյեկտիվ աջ գոտկային շրջանը ցավոտ էր, գոտկային շրջանի բախումը ցավոտ էր:

Վարչական իրավախախտումների վերաբերյալ ՀՀ օրենսգրքի 17-րդ հոդվածի համաձայն՝ վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի վտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

Այսպիսով, վարչական վարույթի ընթացքում հիմնավորվել է դիմումատուի կողմից ճանապարհային երթևեկության կանոնների խախտումները ծայրահեղ անհրաժեշտության վիճակում կատարելու հանգամանքն, ուստի ճանապարհային ոստիկանության վարչական տույժ նշանակելու մասին վերը նշված որոշումները ենթակա են բեկանման:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին մասի 4-րդ կետով, 286-րդ հոդվածի 1-ին մասով և 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 2317409459, 2317409472, 2317409476, 2317409511 որոշումները բեկանել և վարչական իրավախախտումների վերաբերյալ գործերի վարույթները կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Վազիֆ Սաֆարյանին:

Ս. Մարգարյան



Ս. Մարգարյան